



ОКТАБРЬ
А 5 -
АРЫПХЪАГІВ
ЙЫМШПІ

ШВГВТАРАКВА ГІАШВДАХІВЫРГІАТІ

Хвду ззыгбауа арыпхъагвча, арыпхъара квырьлыквхартаква рынхъагвча, сквшарда арыпхъара йазтыз аветеранквал

Хгвы йгатыцуата швчъагва гвргъахъва-арыпхъагв йи-Мшла хшвайхвхвхити. Арыпхъагв йачъагва ажалара апны плату аман йгы йамап. Швара шгвмчъара, швгвчгвгвсагара рбрларала йгвыбзыгу, зкултура хлараклу, аршлыяара йадкылу чквы-ныргла глхыцгагылит. Швара шгвы хтыта Къарча-Черкес ахыцла швазынхити, хуагва зрыпшдзу асабика глдыншвыргыли. Ауат дырра цюла рыштвти, рьдаб шаквшвыр-гылит, хреспублика ауагхъаква ртурыи рцаскви рыладшвыркити.

Умайгвргъушта йгъаам Къарча-Черкес Республика РФ а-Президент Путин Владимир ймай унавквал абгата йзырхъяуа ашыплавка йбарылапхъадзу. Хызтабзауа ареспублика йынхауа арыпхъагвча рынхаша йалахатл, ауыжгланчви апхъартаква руыхвит. Ауат рпны закыль пшглау абанпара глдынгылит. Ужвыгви зны швчъагва гвргъахъва хшвайхвхвхити, згвадара, гвцтыхра, дахвара, нцра ауыра швымазти, шгвлпсара швазыздыруа апхъагвчвала йшвызшазти.

ТЕМРЕЗОВ Рашид, Къарча-Черкес Республика а-Хъада, ИВАНОВ Александр, Къарча-Черкес Республика Ауагва Айззара (а-Парламент) а-Председатель.

АЙСЫГІВЧВА - АРЫПХЪАГІВЧВА

Абазаква, йшбергълу апшта, гввра анрау асквш 1932 аглан аклвл. Ауй азаман йгашларышвта акыт-квар рпны апхъартаква, аликбезквал гандыршауа йалагати. Адырраква тшыртыз ххаквагвчвала йгалагаз Абашта айсра Ду мурадквал апнакыати. Совет Союз ауагхъаква зымгва рапша, абазаква кытквал йынхуз арыпхъагвчагви р-Псадгыл ахчара йазгыли. Ауат йрыуата шардагвы фырта рха цтларцлат, йгхынхызыгви рьчъагва йазцлабуртта асабика рарыпхъара джвыквырцлат.

Хуагхъа ртурыи анцрала йгалахатл Абазара район йаланацквал акытквал рпны арыпхъагвчва-фронт-викквал рыхыквал. Айсра алгачи йангалс амцтах рмамыр чъагвагва йазцхатл адарыквваквал:

КЫШМАХВА Исмагиль Пыыл йпа Черкесск педуцилища дангалга, йара ауаа абазаква бышвал-ли литературали йайрыпхъарныс дгланьрхити. Ауй ар квырьлыквв йхауата айсра галагати. Ахъа уала-гата ацыхъадза й-18-хуз ахысыгвчвал рдивизия далата хъацара глйырбауа дайсыт. Йзынмквал дхвхатл, артшхъагаквал йгтшпы дрыпшдзауа йци Псыж кыт дгхынхызын, мшкгы дымчъауата асабика рарыпхъара джвыквырцлат;

ЕМГЫКЫВА Залым Кіамата йпа Псыж кыт апхъарта бжыкласскл дангларылга, Черкесск го-род педагогика училища дапхатл, уадыргвана акыт апхъарта дынхатл. Асквш 1941 аглан айсра дпшцалтл, хыртата йгланьлызгы гъзакым. Ауй хъацарата йглйырбаз ахъазла орден йгы медаль шарда глйквнадьргатл. Асквш 1948 аглан дгхынхызын, апхъарта апны дынхауа далагхатл. Асквш 1970 тшырра дчъахнадзыквал дынхатл;

УАЗ Мурат Джъамырза йпа ар квырьлыкввхара дызшлырхъата айсра галагати. «За отвагу», «За боевые заслуги», «За оборону Сталинграда», «За взятие Берлина», «За победу над Германией» медаль-квал йымата дгхынхызын. Псыж кыт йгвбахъауа апхъарта апны сквш 36 руаца математикали физи-кали дарыпхъагвын.

ШВОТЫК Мухаммад Сахлатгари йпа Украина апны квырьлыквв йхауата Абашта айсра Ду галагати. Ауй айбашарквал дрылата гван дглархытл. Йхвтарквал ныкввадыквал галрыцын, асквш 1942 аглан йунагва дглархитл. Асквш 1943 йгашларышвта арыпхъагвта, уадыргвана апнычв апхъарта дадиректорта дынхатл;

ШВХІАГВАЦ Урыси Хіарун йпа айсра йгхынхызырныс зынасып йганацкыз арыпхъагвчвал дрыуап. Ауй 17 сквш раха дьртамквал, йара йахварала, афронт дпшцалтл, солдатта йджвыквырцан, лейте-нантта дгхынхызын. Ауй хъацарата йглйырбаз ахъазла орден йгы медаль шарда глйквнадьргатл. Айсра амцтах Псыж кыт йапхъауа апхъарта апны дарыпхъагвын.

■ Албырглан кыт йтыцта з-Псадгыл ахчара йазгылыз йрыуата йгхынхызынхити:
ХІАМЫКВА Къаробит Іадыг йпа Черкесск педуцилища дангалга, Албырглан апхъарта арып-хъагвта дынхатл. Айсра ангалага ахъа уалагата ацыхъадза фырта глйырбауа дайсыт. Дангхынхызын,

апхъарта дынхатл, асквш 1947 йгашларышвта пенсия дчъахнадзыквал Хіабаз район арыпхъара хъшара даунашвчпагвын;

ШХАЙ Петр Хаджымурат йпа Абашта айсра Ду ангалага йахварала айсра дпшцалтл, й-1105-хуз ахысыгвчвал рлик далата дайсыт. Ртшхъага шарда йымата дгхынхызынхити, Хіабаз апартия арайком, уадыргвана Алибердыквал, Албырглан апхъартаква рпны директорта дынхатл;

Абашта айсра Ду аналга йгхынхызын Албырглан апны арыпхъагвта йынхатл **МЕРЕМКЫВЫЛ Абубакыр Мамсыр йпа, ТОБЫЛЪ Зед Тольыстан йпа, АБАЗА Галым Умар йпа** йгы **ГАРГВА Галым Бакыр йпа.**

■ Йындыгкычкын кыт абзагвчвалгва рха рыладухауата йларгвалашвахитл хъацара ду глдырбауа зборч зырхъята айсра йгхынхызыз арыпхъагвчвал:

ДАХЪВМА Михаил Тьрквби йпа Черкесск педагогика институт дангалга, Хіабаз кыт апны асаби-квал история йайрыпхъауа дынхатл. Айсра ахъа уалагата ацыхъадза дайсыт. Румыния, Венгрия, Молда-вия, Австрия рлархитхрала айбашара мкча дрылан, артшхъагаквал йымата йхакв дангалга, йарыпхъара уыс дадгылтл;

КІАРМА Замахшари Гайса йпа Черкесск педуцилища дангалга, Йындыгкычкын апхъарта дынхатл. Айсра ангалага хъацара ду йылата й-Псадгыл ахчара дазгылтл. Дангхынхызын, йци апхъар-та апны арыпхъагвта дынхатл;

АГЫРБА Джъамьадин Ібрахим йпа Йындыгкычкын кыт апны йапхъауз арыпхъагвчвал дрыуан. Абашта айсра Ду аглан Украина, Белоруссия, Литва рлархитхрала айбашарквал дрылан. Уадыргвана асабика рарыпхъара сквшарда айтл;

ПШМАХВА Умар Исмагиль йпа арыпхъагвчвал дрыуан, йадинститут дангалга, йци кыт апны арыпхъагвта дынхузымца айсра галагати. Ахъа уалагата ацыхъадза дайсыт, ртшхъага шардагвы йымата дгхынхызын, 16 сквш руаца арыпхъагвта дынхатл.

■ Къвбина кыт абзагвчвалгва йанакылацкыгв пхата йларгвалашвауа аветеранквал йрыуап йайсыз арыпхъагвчвалгва:
БАЛА Къырманби Хъыц йпа айсра аглан алетчик-истребительквал дрылата хъацара ду глйырбауа дайсыт. Дангхынхызын, сквш 40 руаца Къвбина кыт апхъарта асабика история, география, астроно-мия йайрыхытл;

ДАГЪЖЕИ Петр Хаджымурат йпа айсра аглан Белорусска фронт апны дайсытл. Дангхынхызын, Хіабаз йгы Къвбина кытквал рпны арыпхъагвта дынхатл;

ДАГЪЖЕИ Мухаммад Чухайб йпа Черкесск педуцилища дангалга, айсра галагати. Ахъа уалагата ацыхъадза дайсыт, ртшхъага шарда йымата дгхынхызынхитл. Къвбина кыт актвантл апхъар-та апны сквшарда дарыпхъагвын.

ЙЫМЧУ КЪАРУКІ АНХАРТАЛА ЙЛЫХЪИТІ




Псыж кыт й-1-хауа гимназия апны зуыс цю-лата йыздыруа арып-хъагвчвал шардагв нхит. Ауат дрыуап йлараклу категория зму арыпхъагв, «Анхара аветеран» Чха-ра хъзы нквызыгауа **ТАМБИ Галина Мурат йпа**. Сквш 37 цитл ауй ап-хъарта йггауа асабика англьыз бышвал йазыл-бжъауиштар. Галина Му-рат йпхла лъачъагва ан-галылуау лан Гыкыквал Зоя Уасман йпхла лын-хъа, лус азъащца швап-хата йылзалтл. Зоя Уас-ман йпхла абазаква бы-швали литературали ап-хъара сахлатквал акл-лыршуз йахъазымквал йгы дзавчын, апхъаг-квал аметодика цхъра-гваквал алацлун. Ауй лбжъагжъауа йалрып-хъаз зымгвагви пхата ргвы йглатахатл, уах-чъа йагладзаз уауагва йлызцитл, дьрбит.

Галина апхъарта дан-галга Пятигорск къра-лыгва педагогика ин-ститут дьцалын, дахвра-ла дгларат, ауйштар ап-хъарта дынхитл, лдыр-раквагви лкваруги дьр-майгъдзауата асабика дрыдынхалитл. Ауй ап-хъара сахлатквал джъа-хъата йаквшара ахъаз-ла йапшын амальквал гларысабапитл, аргычлв чквынквал рзадылгалуа-мца асабика абышвал ама-дзаквал йырзылбжытл.

Тамби Галина йцы-хъауа аглва-хпа сквш-квал раквынквал, аклсс-унашвчпагв йхъадкв-цараквагви арыпхъара уыска йрыцлырцумца дынхатл. Ауй йгачыц-тыз ачкынынчви ахлвси

йрыуата шардагвы ухъа зладухуш чъагвагвчвал-хатл. Ауат рарыпхъагв тшныта йсыздыргытл. Апхъала класскл апны 40-гвл англьназ асан, хитл. Ахлба Лейла лпа Солтан хъыц йпцбахъауа аклсс дрылата йанду



ТАМБИ Галина апхъагвчи

дгъырхаштылуам, дьр-барныс йлызгылит, да-ра рсабика гларыца-гылхит, йунагвахатл, ага ауаса йаъазтынгы, аган-гы йгалайкынгашитл, рглатгараквал, ргвыр-гъахъквал лъацгагвыр-шитл.

— Нхара санглай ара-ъа тгачвакга йаларпаз арыпхъагвчвал гвып глар-ыланагати. Ауат йдыр-хъаз ашвапха сашпшуа-мца сшынхушыз сацтан, даргы руыс йазъазата, рбжъагжъауа хышхвата акыын йшаъаз. Ауат йшаквдыргылыз аха-бзаквал ацаскви уахчъа йагладзаз йгхынхызытл, йгларысабапитл. Адьр-ра йазгашыкчу асаби-квал гмачлгвм. Йхъазы-ру аджъауапквал, ага Ин-тернет апны йрызгауаз-тынгы, англьыз быш-швал аграматика шбар-гву гларгынгуата йгва-

ужвы рпхъадзара рыца йхъастл. Ауй ахлатгырла апхъара сахлат ауацала зымгвагви гватра рзал-схырынс, рпынхачлвы сьрхъыныс саха-дзытл, — лхвитл Галина Мурат йпхла.

Апхъарта адиректор Куршева Сусанна йшыл-цхъазла, унашвал зхыль-цлауа агвып зуыс йазъазу чъагвагвчвал. Ауат зым-гвагви арыпхъарагви абжъара уыскагви дах-вала йацдырцитл, йхътыл апхъара сахлатквал адыр-галлит.

Тамби Галина Мурат йпхла анхарагви аунгва уыскагви дахвала йац-зырцауа ауыжгланчви пхыскавал дрыуап. Ауй хыгвлгаричва драпнл, гвылхчвы пакл глдын-лыргылт, йалрыпхъатл. Ахыглыты дьрра хара-кы рымата йгалыркыз аъачлвагвалала йын-

далрыпхытл. Галина Му-рат йпхла дьызынхуа агвып дрынгалитл, дар-гы плату лквырцитл. Ауй арыпхъагв шаквал швап-хата дьрзалитл, тшыла-галзындахралакгы йа-лыргу кынгашара рауит.

Йанакылызлакгы йа-цларпху, знахш лашару Тамби Галина Мурат йп-хла йгалылыз аъачва-гва бзи йылбауа далан-хитл, дъарыпхъагвхаз ахъазла зынгы йамай-гваджъатл. Ауй йшылва-уала, апхын тшпсца-раквал раглан апхъарта-гви, дьызынхуа агвып-гви, асабикагви глалга-лашвитл. Сентябрькл глар-гванхъадза йымчу къа-рук лынхартала йлыхытл, ауй аклвалтл йцъауа агвычлгвыс дьызынчуи йгалылыз аъачвагви анак-швара.

ДЖЪАРДИС Асийт.

АРЫПХЪАГІВ ЙПАТИУ НХАРАЛА ЙГІАТИГИТИ



АПСА Зурида

Папын мшык Псыж кыт абзагвчвал Хіа-чкыкваргва Мухларби Исмагиль йпа йгы йха-пшыла Анна Джъангари йпхла рунагва гвргъа-ра дукл ншат — атгачва гыквл дгларылахатл. Ап-сабара англашыхауа аглапын йыыз ауат рпхла Зурида адуней дангалквал агламта шрщтита апшта дпшдзата, пхарала йгы мара нурла дьрчывта дгладзынхитл.

Апхысына асквш 1984 аглан актвантл апхъарта дгларгауата чъагвагва йгалылуашла, мгвата дьыкылуашла дзай-кынгашыз лан лквлп, ауй лажвала дарыпхъаг-харныс йшаквлргытл.

Зурида асквш 1984 аглан Къарча-Черкес къра-лыгва педагогика ин-ститут архыкварквал бзи-та йылкын, физики мате-матики рфакультет дь-цалтл. Апхысына гыры-квал апхъара сахлаткгы ахылымрыпауа, шыц-ракл шылдыруаш дацта-та дапхун, жлара уыс-та йаквшуз зымгва дры-лан. Ауй апхъарта тшыб-жъара дьрщтита йап-хъауа апхъара сахлат-рылтуата асабика рпхъ-дангыл, лан лажвала арып-хъара тшъадылкылыз дшмайгвдъажъуаш глар-гынхытл.

Асквш 1991 аглан Зу-рида унагва днашылтл, лылахъ Къвбина кыт, Ап-саргла рткыым дрыла-нагати. Гвынгвырпал, ауй нхара Псыжвдза аца-ра-глайхуа шылчыбар-гвыз, йаргы Къвбина кыт апхъарта математика арып-хъагвчвал датахын. Ауй дьызалыз акыт рса-бика алрыпхъауа дала-гати. Арыпхъагвчвал гвып ласы дрыщатл, апхъаг-вчвал лзаргванхатл, лъа-чъагва дъазъазахатл.

Ари арыпхъагвчвал лп-хъара сахлатквал йна-шыллаккыгви лгви лпси алалцлауа асабика дшыр-динхалуа галыркыгитл. Сквш 25 цитл Зурида Му-хларби йпхла арыпхъаг-вта дынхуаиштар, ауат асквшва руаца зны са-бикл ажва гвауа йалхъта йа лбжы цтыгхата дча-вжауата заджвгы йыг-гымгласл. Апхъагвчвал математика азыгаль-матра азрымалзара аха-тырла ауй лхъа шарда дадынхалитл, шыцта йган-

хъыцтл. «Сци кыт ап-хъарта апны сынхуштл, са-рыпхъагвчвал срызца-уаштл», — лджъауапхатл.

Ауи адахварквал лым-ата Къарча-Черкес къра-лыгва пединститут дан-галга ймайрам, ауаса плату эквырцауа арып-хъара нхара джкыкыл-цлатл. Зурида дьызалыз агвып апны дзайкынгаш-уаш, швапха глзхылы-уаш шардагвын, ахбачва аъачлвагвчвал шла дгдым-рыхъаратл, йапхъауа лдахлварквал галыркы-гвауа, ддыргвышхъауа дынхун.

Ауи дьызынхызыз апхъаг-вчвал лзаргванхатл, лъа-чъагва дъазъазахатл.

ХІАШВЦА Фатима.

АХІБАЧВА РШВАПХА ДГЪАЙЖЪУМ



Псыж кыт Гвана Сул-тан йыкызыз нквызыгауа апхъарта апны асабика рьдаб, аклсска рцкы-ра йнашыллаккыгви йг-ларкыгитл. Ауй йапшу аъа-ща апхъарта апны шар-да цитл йшаквглыштар-ра, йызбизируги йынхъаз ахлбачви унашвал ахъыз-цужи раквлп.

Хлара шатахула йыз-нымквал йангасылабжва, сшынхузымца Къарча-Черкес къралыгва пе-дагогика университет сы-цалтл, хыкышка салхъатл, историяли правоведе-ниели афакультет сглар-гатл, — йггайгвалашвахитл Мухаммад Хамзат йпа.

Ачкыын гврыквал ауы-ла дглашамсуата йара ауй ауниверситет юри-спруденцияла факультет-гви дапхъатл. Уадыр-гвана сквшыл РФ а-Президент йпны йауырггалу «Государственное и му-ниципальное управле-ние» академия дапхатл, асквш 2014 аглан «Управ-ление в системе образо-

вания» йазалху акурс-квал дгларылгхатл.

Кыкча Мухаммад асквш 2003 йгашларышвта асквш 2013-дза арыпхъарали наукалы КЧР а-Минис-терства дынхатл. Ауаъа-гви йхъвадквалараквал йнардатта йырхъятл, гвмчывата тшггайыр-батл. Ауй асквш 2013 йгаш-ларышвта Псыж кыт йлв-бахъауа апхъарта апны директорта дынхитл, ис-торияли правоведе-ниели апхъара сахлатквалгви акъырышитл. Дьрра цю-ла зму, шви пхи экву ари ачкыын адгалра уыска дшырзычпу, йуыс дшаз-ъазу йызынхуауа зым-гвагви йгалыркыгитл.

ДЖЪАРДИС Асийт.